

وكل يوم ييجى المغرب .. علينا واحنا ف أي مكان

وندعي طالبين الجنة .. نرفع إيدينا للرحمن

بقلوبنا ندعي ونتمنى

يارب ندخل م الريان

ولا لحظة برّه نستنى

يا بركة المولي العدنان

مقبول صيامنا فيك رمضان

.....

غريب

وفارقت أنا أهلي وناسي .. لبلاد أنا ما اعرفهاش

وبقيت م الوحدة بعاني .. وعيوني ما بتساش

وحشتني مراتي حبيبتني .. وإخواتي وكل حبايبي

وحشتني اللمة الحلوة .. وأصحابي وكل قرابيي

والضمة ف حضنك يا أمي .. واللقمة ب ايدك ليا

والدفي والعيلة واللمة .. وحشوني بكل ما فيا

أنا نفسي أرجع وبسرعة .. ع الغربية ماعدتش قادر
وحشتني بلدنا الحلوة .. ولا عاوز تاني أسافر
أوعدكم راجع تاني .. وف بلدي هاعيش وهاعافر
ف بعادكم قلبي يعاني .. ده اللمة ف وسط عيالي
ب الدنيا وكل ما فيها .. والرزق أهو ع الخلاق
دا أنا مهما عملت غريب .. وف ليلي باكون مشتاق
ولا عارف ليا حبيب .. والكل يقول يا فراق
وسّعها يارب عليا .. وأرجع ليهم بسلام
يا عالم ب الأحوال .. هون مر الأيام

.....

ومين ينسى

ومين ينسى دفي قلبك .. يا أحن قلب ف الدنيا
ومين ينسى دفي حضنك .. ويعشق غيره لوثنائية
غرامك دا دفي ل قلبي .. حبيب القلب يا واحشني
وضحكك سلسبيل حبي .. وصوتك دايماً ب يوحشني